

VENDIM
Nr. 177, datë 20.3.2025

**PËR DISA NDRYSHIME NË VENDIMIN NR. 421, DATË 13.5.2015, TË KËSHILLIT
TË MINISTRAVE, “PËR PROCEDURAT E SHQYRTIMIT TË KËRKESAVE,
DOKUMENTACIONIN, AFATET E SHQYRTIMIT DHE KRITERET E VEÇANTA
TË LICENCIMIT TË VEPRIMTARIVE TË LEJUARA ME ARMËT”,
TË NDRYSHUAR**

Në mbështetje të nenit 100 të Kushtetutës dhe të neneve 18/2, pika 3 e 19, pika 3, të ligjit nr. 74/2014, “Për armët”, të ndryshuar, me propozimin e ministrit të Brendshëm, Këshilli i Ministrave

VENDOSI:

I. Në vendimin nr. 421, datë 13.5.2015, të Këshillit të Ministrave, “Për procedurat e shqyrtimit të kërkesave, dokumentacionin, afatet e shqyrtimit dhe kriteret e veçanta të licencimit të veprimtarive të lejuara me armët”, të ndryshuar, bëhen këto ndryshime:

1. Kudo në tekst, fjalët “... si dhe trajnimet specifike, sipas pozicionit të punës së punonjësit;” dhe “... si dhe trajnimet specifike të punonjësit ...” zëvendësohen me “... diplomë/certifikatë, që vërteton përfundimin e studimeve ushtarake apo kursin e avancuar të nënoficerit, në Akademinë e Forcave të Armatosura dhe në institucione të huaja të njësuar ose dëshmi dhe certifikata të përfutuara për veprimtarinë me armët, të njësuar apo të lëshuara nga Akademia e Sigurisë.”.

2. Në kreun II bëhen këto ndryshime:

a) Pika 3 ndryshohet, si më poshtë vijon:

“3. Për t’u pajisur me licencë për veprimtaritë e lejuara me armë nga Policia e Shtetit, personi fizik/tregtari i pajisur me NUIS, personi juridik i pajisur me NUIS ose përfaqësuesi ligjor i subjektit juridik, për secilën nga licencat e përcaktuara nga shkronjat “b” deri në “dh”, të nenit 14, të ligjit nr. 74, datë 10.7.2014, “Për armët”, të ndryshuar, aplikon në portalin unik qeveritar “*e-Albania*” dhe dorëzon në formë elektronike dokumentacionin, si më poshtë vijon:

a) Certifikatën mjekësore për veprimtaritë e lejuara me armët, për personin fizik, ortakët/aksionarët e personit juridik, drejtuesin teknik, sipas udhëzimit nr. 88, datë 10.3.2015, të ministrit të Punëve të Brendshme dhe të ministrit të Shëndetësisë, “Për llojet e vizitave dhe përmbajtjen e raportit mjekësor për veprimtaritë me armët”, lëshuar nga autoriteti përkatës brenda 6 (gjashtë) muajve të fundit, që vërteton se është i aftë nga ana mendore dhe fizike;

b) Dëshminë “Për aftësimin teorik dhe praktik për përdorimin e armës”;

c) Kontratën e punës me drejtuesin teknik;

ç) Mandatpagesën.

Dokumentacioni që siguron institucioni, pas autorizimit dhe dhënies së pëlqimit nga aplikanti, është vërtetimi i verifikimit të gjendjes gjyqësore (dëshmia e penalitetit).”.

b) Në pikën 3.1, shkronjat “a” dhe “b” ndryshohen, si më poshtë vijon:

“a) Për personat, që do të punësohen në këto subjekte, të cilët do të kryejnë një procedurë pune në veprimtarinë me armët, personi fizik ose juridik dorëzon në formë elektronike, nëpërmjet portalit unik qeveritar “*e-Albania*”, këto dokumente:

i. Kontratë pune me personin e punësuar;

ii. Certifikatë mjekësore për veprimtaritë e lejuara me armët, sipas udhëzimit nr. 88, datë 10.3.2015, të ministrit të Punëve të Brendshme dhe të ministrit të Shëndetësisë, “Për llojet e vizitave dhe përmbajtjen e raportit mjekësor për veprimtaritë me armët”, lëshuar nga autoriteti përkatës brenda 6 (gjashtë) muajve të fundit, që vërteton se është i aftë nga ana mendore dhe fizike;

iii. Dëshmi e aftësimit teorik e praktik për përdorimin e armës, diplomë/certifikatë, që vërteton përfundimin e studimeve policore në Akademinë e Sigurisë, diplomë/certifikatë, që vërteton përfundimin e studimeve ushtarake apo kursin e avancuar të nënoficerit, në Akademinë e Forcave

të Armatosura dhe në institucione të huaja të njësuara, ose dëshmi dhe certifikata të përftuara në fushën e rendit e të sigurisë publike, të njësuara apo të lëshuara nga Akademia e Sigurisë.

b) Në rastet e personave juridikë, dokumenti i parashikuar në nënndarjen “ii”, të shkronjës “a”, të pikës 3.1, të këtij vendimi, për pronarët përfitues.”.

c) Pika 3.2 shfuqizohet.

ç) Pika 3.4 shfuqizohet.

3. Në kreun III bëhen ndryshimet e mëposhtme:

a) Në pikën 4 bëhen këto ndryshime:

i. Shkronja “a” ndryshohet, si më poshtë vijon:

“a) Struktura përgjegjëse në Komisariatin e Policisë e ngarkuar me detyrën e pranimit të dokumenteve, Zyra për Shërbimin e Qytetarëve (ZSHQ), verifikon dokumentacionin e dërguar *on-line* dhe, në rast se konstaton se dokumentacioni i bashkëngjitur në sistem nuk është konform akteve ligjore/nënligjore, e njofton aplikuesin nëpërmjet portalit “*e-Albania*” për plotësimin e dosjes bashkë me dokumentacionin e duhur brenda 5 (pesë) ditëve.”.

ii. Shkronja “ç” ndryshohet, si më poshtë vijon:

“ç) ZSHQ-ja verifikon dosjen e plotësuar të aplikantit, përgatit relacionin vlerësues dhe ia përcjell elektronikisht dosjen për ta shqyrtuar Komisionit Qendror të shqyrtimit të kërkesave për licencim/autorizim për veprimtaritë e lejuara me armët në Drejtorinë e Përgjithshme të Policisë së Shtetit.”.

iii. Shkronja “d” shfuqizohet.

iv. Shkronja “dh” ndryshohet, si më poshtë vijon:

“dh) Komisioni Qendror mbledhet çdo muaj, shqyrton dokumentacionin për pajisjen me licencë për veprimtarinë e lejuar me armë dhe merr vendim për miratimin ose refuzimin e licencës. Vendimi nënshkruhet elektronikisht/me vulë elektronike.”.

b) Fjalja e parë e pikës 6 ndryshohet, si më poshtë vijon:

“Refuzimi i dhënies së licencës bëhet me vendim të arsyetuar të Komisionit Qendror dhe akti i refuzimit të licencës me vulë elektronike/nënshkrim elektronik i dërgohet aplikantit në rrugë elektronike në portalin “*e-Albania*”, nëpërmjet Komisarariatit të Policisë, që ka pranuar aplikimin *on-line*.”.

c) Fjalja e tretë e pikës 6 shfuqizohet.

ç) Pika 7 ndryshohet, si më poshtë vijon:

“7. Për ripërtëritje të licencës, personi fizik/juridik dorëzon në formë elektronike, nëpërmjet portalit unik qeveritar “*e-Albania*”, të njëjtat dokumente si kur aplikon për herë të parë. Kërkesa për ripërtëritjen e licencës bëhet 90 (nëntëdhjetë) ditë para përfundimit të afatit të vlefshmërisë së saj.”.

d) Shkronjat “a” dhe “b”, të pikës 7.1, ndryshojnë, si më poshtë vijon:

“a) në rastin e personave juridikë, për pronarët përfitues dorëzohet certifikata mjekësore për veprimtaritë e lejuara me armët, sipas udhëzimit nr. 88, datë 10.3.2015, “Për llojet e vizitave dhe përmbajtjen e raportit mjekësor për veprimtaritë me armët”, lëshuar nga autoriteti përkatës brenda 6 (gjashtë) muajve të fundit, që vërteton se është i aftë nga ana mendore dhe fizike;

b) për personat që do të punësohen në këto subjekte, të cilët do të kryejnë një procedurë pune, që lidhet drejtpërdrejt me armët, dorëzohen këto dokumente:

i. Kontratë pune me personin e punësuar;

ii. Certifikatë mjekësore për veprimtaritë e lejuara me armët, sipas udhëzimit nr. 88, datë 10.3.2015, “Për llojet e vizitave dhe përmbajtjen e raportit mjekësor për veprimtaritë me armët”, lëshuar nga autoriteti përkatës brenda 6 (gjashtë) muajve të fundit, që vërteton se është i aftë nga ana mendore dhe fizike;

iii. Dëshmi e aftësisë teorik e praktik për përdorimin e armës dhe diplomë/certifikatë, që vërteton përfundimin e studimeve policore në Akademinë e Sigurisë, diplomë/certifikatë, që vërteton përfundimin e studimeve ushtarake apo kursin e avancuar të nënoficerit, në Akademinë e Forcave të Armatosura dhe në institucione të huaja të njësuara, ose dëshmi dhe certifikata të

përfutuara në fushën e rendit e të sigurisë publike, të njësuara apo të lëshuara nga Akademia e Sigurisë.

Dokumentacioni që siguron institucioni, pas autorizimit dhe dhënies së pëlqimit nga aplikanti, është vërtetimi i verifikimit të gjendjes gjyqësore (dëshmia e penaltetit).”.

dh) Pika 7.2 shfuqizohet.

4. Shkronja “a” e pikës 10, të kreut IV, ndryshohet, si më poshtë vijon:

“a) Për ushtrimin e veprimtarisë “Import dhe tregtim të armëve të kategorisë “C” (gjahut) dhe “D” (sportive), pjesëve kryesore dhe municioneve të tyre”, si dhe të veprimtarisë “Tregtimi i armëve të kategorisë “B”, pjesëve kryesore dhe municioneve të tyre”, të ketë një ambient të përshtatshëm për ushtrimin e aktivitetit, sipas kushteve të miratuara me vendimin nr. 275, datë 1.4.2015, të Këshillit të Ministrave, “Për miratimin e rregullores “Për kushtet dhe rregullat e sigurisë së armëve”, të ndryshuar.”.

II. Kërkesat e procedurat administrative që preken nga ky vendim zbatohen në momentin që përfundojnë zhvillimet teknike për pritjen dhe trajtimin e aplikimeve në sistemin e trajtimit të aplikimeve për qytetarët dhe subjektet tatimpaguese.

III. Ngarkohen Ministria e Brendshme dhe Ministria e Mbrojtjes për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR

Belinda Balluku